

## **.9 PENUTUP.**

Penulis berharap hasil kajian ilmiah ini dapat menambahkan lagi ilmu pengetahuan serta memberi pendedahan tentang rahsia yang terdapat dalam bahasa Arab, walaupun dalam ruang lingkup yang agak kecil jika dibandingkan dengan ilmu yang terdapat dalam bahasa Arab itu sendiri. Selain itu ia juga boleh dijadikan sumber rujukan kepada pelajar dan penuntut.

## **BAB 2. PEMBAHAGIAN – PEMBAHAGIAN KATA NAMA.**

## **.0 PENGENALAN.**

Di dalam morfologo bahasa Arab, kata nama dikenali sebagai isim. Kata nama mempunyai cabang yang amat luas, berbanding dengan kata kerja dan kata partikel. Dalam bab ini akan dibincangkan beberapa klasifikasi kata nama berdasarkan beberapa faktor yang berbeza antaranya dari sudut jantina, dari sudut kedudukan huruf akhir dan dari sudut bilangan.

## 2.1 PEMBAHAGIAN KATA NAMA DARI SEGI MASKULIN

(المؤنث) DAN FEMININ (المذكر).

Kata nama di dalam bahasa Arab terbahagi kepada dua bahagian iaitu Kata nama Mudhakkar dan Kata nama Mu`annath. Dalam kategori ini, kata nama tersebut boleh dipecahkan kepada haqīqī dan majāzī serta lafzi dan maknawi seperti berikut:- (Muhammad bin `Abd al-Ghāniy al-Miṣriy: 1989: 143).

i Kata nama Mudhakkar Haqīqī (المذكر الحقيقي)

Ia terdiri daripada Kata nama Mudhakkar bagi manusia dan haiwan, seperti;

غُلَامٌ (budak lelaki) dan ثَعْلَبٌ (musang).

ii Kata nama Mu`annath Haqīqī (المؤنث الحقيقي)

Ia merupakan kata nama yang menūnunjukkan mu`annath bagi manusia dan haiwan, seperti; بِنْتُ (budak perempuan) dan أُنْثَى (keldai betina).

iii Kata nama Mudhakkar Majāzī (المذكر المجازي) dan Kata nama Mu`annath

Majāzī (المؤنث المجازي).

Kata nama Mudhakkar Majāzī dan Kata nama Mu`annath Majāzī ialah kata nama yang tidak ada perkataan mufrad daripada jenisnya, contohnya:-

Kata nama Mudhakkar Majāzī ialah:-

بَيْتٌ (rumah), كِتَابٌ (buku) dan عُشْبٌ (rumpun).

Kata nama Mu'annath Majāzi ialah:-

شَمْسٌ (matahari), أَرْضٌ (bumi) dan دَارٌ (rumah).

iv

Kata nama Mu'annath Lafzi (المؤنث اللفظي) dan Kata nama Mu'annath

Maknawi (المؤنث المعنوي).

Kata nama Mu'annath Lafzi ialah setiap kata nama yang terdapat padanya

salah satu daripada tanda ta'nīth iaitu sama ada tā' marbūṭat (التاء المربوطة), alif

maqṣūrat (الألف المقصورة) atau alif mamdūdat (الألف الممدودة). Contohnya:-

طلحة (nama seorang lelaki), زكرياء (nama seorang lelaki) dan بشرى (nama

seorang lelaki).

Kata nama Mu'annath Maknawi pula ialah kata nama yang tiada tanda ta'nīth,

akan tetapi ia menunjukkan mu'annath, contohnya:-

شَمْسٌ (nama seorang perempuan), سعاد (nama seorang perempuan), هند

(matahari) dan رِجْلٌ (kaki).

## 2.2 PEMBAHAGIAN KATA NAMA DARI SEGI KEDUDUKAN HURUF AKHIR.

Pembahagian kata nama dari segi kedudukan huruf akhir boleh di kategorikan sebagaimana berikut:-

i Isim Ṣahīḥ Akhir (الاسم الصحيح الآخر).

Ia terdiri daripada kata nama yang huruf akhirnya tidak terdapat huruf vokal ('ilah) dan huruf hamzah, seperti perkataan ; مُجْتَهِد (yang rajin) dan خَالِد (nama orang).

ii Isim Manqūṣ (الاسم المنقوص).

Ia merupakan kata nama yang diakhiri dengan huruf yā' dan huruf sebelumnya berbaris kasra, seperti perkataan; الْقَاضِي (hakim).

(Muhammad bin Abdul Ghāni al-Miṣriy: 1989: 148).

iii Isim Maqṣūr (الاسم المقصور).

Ia merupakan kata nama yang terdapat huruf alif asal dihujungnya, tetapi ia ditulis dalam bentuk huruf yā' yang tidak mempunyai titik, seperti; مصطفى dan

ليلى.

- iv Isim Mamdūd (الاسم الممدود).

Ia terdiri daripada kata nama yang diakhiri dengan huruf hamzah yang didahului dengan huruf alif, seperti perkataan:- صَحْرَاء (padang pasir).

## 2.3 PEMBAHAGIAN KATA NAMA DARI SUDUT BILANGAN.

Di dalam kaedah bahasa Arab, kata nama dapat diklasifikasikan juga mengikut bilangan. Ianya terbahagi kepada tiga :-

- i. Kata nama Mufrad.
- ii. Kata nama Muthanna.
- iii. Kata nama Jama'.

- i. Kata nama Mufrad.

Ia merupakan kata nama yang menunjukkan bilangan satu , sama ada bagi feminin ataupun maskulin, contoh:-

Kata nama Mufrad.

Makna

غُلام

seorang budak lelaki

حِصَان

seekor kuda

فَتَاةٌ

seorang pemudi

مَائِدَةٌ

satu hidangan

ii. Kata nama Muthanna.

Ia menunjukkan kepada bilangan dua, sama ada bagi maskulin atau feminin.

Untuk menjadikan Kata nama Muthanna, maka hendaklah ditambah huruf alif dan nūn ketika ia dalam keadaan marfū‘, manakala ketika manṣūb dan majrūr ditambah huruf yā’ dan nūn, contohnya:-

حَضَرَ الْمُهَنْدِسَانِ (telah hadir dua orang jurutera).

-----ketika marfū‘ (Nominatif).

رَأَيْتُ الْمُهَنْدِسَيْنِ (saya telah melihat dua orang jurutera).

-----ketika naṣab (Akusatif).

مَرَرْتُ بِمُهَنْدِسَيْنِ (saya telah mengikuti dua orang jurutera).

-----ketika jarr (Genitif).

iii. Kata nama Jama'.

Ia menunjukkan keadaan kata nama yang melebihi bilangan dua. Ia boleh dibahagikan kepada tiga kategori:-

a) Kata nama Jama' Mudhakkar Salīm.

Ia terhasil dengan menambah huruf waw dan nūn ke atas Kata nama Mufrad nya semasa dalam keadaan marfū', manakala dalam keadaan naṣab dan jarr ditambah huruf yā' dan nūn, contoh:-

جَاءَ الْمُعَلِّمُونَ (guru-guru lelaki telah datang).----- ketika marfū'.

قَبِلْتُ الْمُعَلِّمِينَ (saya telah berjumpa guru-guru lelaki).----- ketika manṣūb

سَافَرْتُ مَعَ الْمُعَلِّمِينَ (saya telah berjalan bersama guru-guru).—ketika majrūr.

b) Kata nama Jama' Mu'annath Salīm.

Ianya terhasil dengan menambah huruf alif dan tā' pada Kata nama Mufrad. Kata nama Jama' Mu'annath Salīm marfū' dengan ḍammah, manakala manṣūb dan majrūr dengan kasrah, contoh:-

حَضَرَتِ الْعُلَمَاءُ (guru-guru perempuan telah hadir). .... Ketika marfū'.

رَأَيْتُ الْعُلَمَاءَ (saya telah melihat guru-guru perempuan)..... Ketika manṣūb.

مَرَرْتُ بِالْعُلَمَاءِ (saya telah ikut beberapa orang guru perempuan).... Ketika majrūr.

c) Kata nama Jama' Taksīr.

Ia menūnjukkan kepada bilangan lebih daripada dua serta berlakunya perubahan pola daripada Kata nama Mufradnya. Contohnya:-

صُورٌ → صُورَةٌ (gambar-gambar)

أَشْجَارٌ → شَجَرَةٌ (pokok-pokok).

(Fuāḍ Ni'mat: 1973: juzu'2: 17).

## 2.4 TANDA-TANDA TA'NĪTH (علامة التانيث).

Terdapat tiga tanda ta'nīth yang perlu dikenali antaranya :-

I) Tā' Marbūṭat (التاء المربوطة).



II) Alif Maqṣūrat (الألف المقصورة).

III) Alif Mamdūdat (الألف الممدودة)

2.4.1 Tā' Marbūtat (التاء المربوطة).

Ia memberi faedah seperti berikut :-

i. Ta'nīth (feminin)

Jika ia terdapat pada Kata Sifat, ia dapat membezakan di antara Kata nama Mudhakkar dan Kata nama Mu'annath, contohnya:-

فَاضِلَةٌ (perempuan yang baik) dan بَائِعَةٌ (penjual perempuan).

Sekiranya Kata Sifat hanya khusus untuk perempuan, ia tidak perlu kepada tā' marbūtat, contohnya:-

مُرْضِعٌ (perempuan yang menyusui), يَتِيمٌ (janda) dan

حَائِضٌ (perempuan yang didatangi haid).

Terdapat lima pola Kata Sifat yang tidak menggunakan tā' marbūtat, namun ia boleh digunakan untuk Kata nama Mudhakkar dan Kata nama Mu'annath, iaitu:-

- a) **فَعُول** yang memberi maksud **فَاعِل** (pembuat), contohnya:-

| <u>Perkataan</u>  | <u>Makna</u>             |
|-------------------|--------------------------|
| امْرَأَةٌ صَبُورٌ | perempuan yang penyabar  |
| امْرَأَةٌ عَجُوزٌ | perempuan yang lemah     |
| امْرَأَةٌ حَنُونٌ | perempuan yang penyayang |

- b) **فَعِيل** yang memberi maksud **مَفْعُول** (yang kena buat), contoh:-

امْرَأَةٌ جَرِيحٌ (perempuan yang kena luka) dan

امْرَأَةٌ قَتِيلٌ (perempuan yang kena bunuh).

- c) **مِفْعَال** contoh; **مِقْوَال** (orang yang banyak bercakap).

- d) **مِفْعِيل** contoh; **مِعْطِير** (orang yang suka memakai bau-bauan)

- ii. Mufrad ( Tunggal).

Tā' yang menunjukkan bilangan mufrad, iaitu ketika berhubung dengan kata nama jenis semulajadi, seperti :-

(Muhammad bin 'Abd al-Ghāniy al-Miṣriy: 1989: 144).

شَجَرَةٌ (sebatang pokok), ثَمَرَةٌ (sebiji buah) dan تَمْرَةٌ (sebiji buah tamar).

Didatangkan tā' untuk membezakan di antara mufrad dengan Jama'.

iii. Mubalaghah (keterlaluhan).

Memberi faedah untuk mubalaghah ketika berhubung dengan Kata Sifat, contohnya:-

أَنْتَ رَاوٍ وَلَكِنْ أَخَاكَ رَاوِيَةٌ

(awak merupakan seorang penyampai, akan tetapi saudara awak lebih pandai menyampaikan).

iv. Menguatkan mubalaghah (تَوْكِيدُ الْمُبَالِغَةِ).

Menguatkan mubalaghah ketika ia masuk pada wazan yang menunjukkan mubalaghah, contohnya:-

هَذَا غُلَامٌ فَهْمٌ وَذَلِكَ غُلَامٌ فَهْمَةٌ (ini budak yang cukup faham dan itu budak yang terlalu mudah faham).

v. Ganti kepada yā' nisbah atau yā' jama' Taksīr (النِّيَابَةُ عَنْ يَاءِ النِّسْبَةِ أَوْ يَاءِ التَّكْسِيرِ).

Di datangkan tā' sebagai ganti kepada yā' nasab atau yā' jama' Taksīr, contohnya:-

دَمَشَقَ (orang-orang Damsyik), ganti kepada yā' nisbah; دَمَشَقِيُّونَ dan perkataan جَحَاجِحَ (tuan), ganti kepada Kata nama Jama' Taksīr; جَحَاجِيحَ .

- vi. Ganti kepada huruf yang di buang (النَّبَاةُ عَنِ الْحُرُوفِ الْمَحْذُوفَةِ).

Di datangkan tā' sebagai ganti kepada huruf yang di buang, antaranya :-

- a) tā' ganti kepada fā' kata, contoh :-

(Muhammad bin 'Abd al-Ghāniy al-Miṣriy: 1989: 144).

وَعَدَ (perjanjian) ganti kepada عِدَّة

- b) tā' sebagai ganti kepada 'ain kata, contoh :-

إِقَامَ (mendirikan/menetap) ganti kepada أَقَامَ

- c) tā' sebagai ganti kepada lam kata, contoh :-

لُعَا (bahasa) ganti kepada huruf lām yang dibuang, iaitu huruf waw kerana

asal perkataan ialah لُعُو

- d) tā' di datangkan sebagai ganti kepada yā' maṣdar pada kata kerja nāqis (kata kerja yang diakhirnya merupakan huruf 'illat) yang menggunakan wazan فَعَّلَ → تَفَعَّلَ, contoh :-

زَكَّى → تَزَكَّى. Asal bagi perkataan tersebut ialah; تَزَكُّيًّا (penyucian).

(Muhammad bin 'Abd al-Ghāniy al-Miṣriy: 1989: 144).

#### 2.4.2 Alif Maqṣūrat (الألف المقصورة).

Antara wazan yang diakhiri dengan alif ta'nīth maqṣūrat ialah:-

(Muhammad bin Abdul Ghāni al-Miṣriy: 1989: 146).

- i. فُعِّلَى, contoh ; شُعْبَى (nama tempat).
- ii. فُعِّلَى, contoh ; حُبْلَى (perempuan yang hamil).
- iii. فُعِّلَى, contoh ; عَلَاوَى (unta yang berjalan cepat)
- iv. فُعِّلَى, contoh; حَيْدَى (keldai yangn berjalan cepat).
- v. فُعِّلَى, contoh; سُهْمَى (kesesatan)
- vi. فُعِّلَى, contoh; سِبْطَرَى (jalan berlagak).

vii. فَعْلَى , contoh; حِجْلَى (sejenis burung).

viii. فُعْلَى , contoh; كُفْرَى (mayang kurma).

ix. فُعَالَى , contoh; حُبَّازَى (pembuat roti).

#### 2.4.3 Alif Mamdūdat (الألف المدودة).

Antara wazan-wazan alif ta'nīth mamdūdat ialah:-

(Muhammad bin Abdul Ghāni al-Miṣriy: 1989: 147).

i فَعْلَاء , contoh; صَحْرَاء (padang pasir).

ii أَفْعَاء , contoh; أَرْبَعَاء (hari Rabu).

iii فُعْلَاء , contoh; قُرْفُصَاء (duduk dengan cara lutut ke atas atau bertinggung).

iv فَاعُولَاء , contoh; عَاشُورَاء (Asyura).

v فَاعِيعَاء , contoh; قَاصِيعَاء (bekas).

vi فُعَيْيَاء , contoh; كِبْرِيَاء (kesombongan).

vii فُعْلَاء , contoh; جُفْنَاء (nama tempat).

- viii      فَعِيلَاء , contoh; قَرِيَّثَاء (jenis tamar).
- ix.        فُتَعَلَاء , contoh; حُنْفَسَاء (kelawar).
- x         مَفْعُولَاء , contoh; مَشْيُوتَخَاء (orang-orang tua).

## 2.5        PENUTUP.

Dalam bab dua ini, secara umumnya penulis hanya membincangkan kata nama kepada tiga kategori, iaitu kata nama dari sudut jantina, kata nama dari sudut huruf akhir dan kata nama dari sudut bilangan. Kata nama dari sudut jantina dipecahkan kepada dua bahagian iaitu haqīqī dan majāzi serta lafzi dan maknawi.

Kata nama dari sudut huruf akhir pula terbahagi kepada tiga bahagian iaitu isim ṣahīḥ akhir, isim manqūṣ dan isim maqṣūr manakala kata nama dari sudut balangan terbahagi kepada tiga bahagian iaitu kata nama mufrad, kata nama muthanna dan kata nama jama‘.